

**BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
Ministarstvo za obnovu, razvoj i povratak
TUZLA**

Na osnovu člana 56. stav 2. Zakona o organizaciji organa uprave u Federaciji Bosne i Hercegovine („Službene novine Federacije BiH“ br. 35/05), i člana 16. i 23. Zakona o ministarstvima i drugim organima uprave Tuzlanskog kantona („Službene novine Tuzlanskog kantona“, broj: 17/00, 3/01 i 12/03) i Odluke broj. 14/1-14-5117/10 od 19.03.2010. godine, ministarstvo za obnovu, razvoj i povratak Tuzlanskog kantona, raspisuje

**JAVNI OGLAS
za davanje saglasnosti za kreditna sredstva**

I PREDMET JAVNOG OGLASA

Predmet javnog oglasa je davanje saglasnosti od strane Ministarstva za obnovu, razvoj i povratak za dobijanje kredita iz sredstava koja su deporiovana u NLB Tuzlanska banka d.d. Tuzla.

Maksimalan iznos kredita po jednom korisniku je 40.000 KM.

Rok otplate je maksimalno 5 godina, grejs period do 1 godine, kamatna stopa 4% na godišnjem nivou.

II NAMJENA SREDSTAVA

Sredstva se dodjeljuju za proizvodnju i pružanje usluga, izuzev u trgovini, turizmu, ugostiteljstvu, prevozu stvari, roba i putnika.

Sredstva se mogu koristiti za slijedeće namjene:

- a) Kupovina opreme, uključujući troškove prevoza i montaže,
- b) Kupovina, dogradnja i izgradnja poslovnog prostora,
- c) U obrtna sredstva,

III PRAVO NA PODNOŠENJE PRIJAVE

Pravo učesća imaju sva pravna i fizička (obrtnici) lica (u daljem tekstu: korisnici) osim onih koji su izuzeti stavom 1 tačka II. i oni korisnici koji su do sada koristili ova poticajna sredstva.

Prijava na javni oglas treba sadržavati potrebnu dokumentaciju:

1. Prijava za kredit (obrazac podići u Ministarstvu ili na web stranici Vlade Tuzlanskog kantona),
2. Sažetak investicionog programa ili projekata (sa osnovnim informacijama o korisniku, u šta se želi uložiti sredstva i kakvi se efekti očekuju, maksimalno 2 stranice kucanog teksta A4 format),
3. Rješenje o upisu u sudski registar (za pravna lica) i Rješenje o odobrenju nadležne općine za obavljanje djelatnosti obrtnika (za obrtnike)
4. Original ili ovjerenu kopiju uvjerenja o broju uposlenih, izdato od PIO/MIO, ne starije od 90 dana, računajući od dana podnošenja zahtjeva,
5. Original ili ovjerenu kopiju uvjerenja o uredno izmirenim porezima, ne starije od 90 dana, računajući od dana podnošenja zahtjeva,
6. Kopiju bilansa stanja i uspjeha za 2009 godinu za pravna lica, Godišnja prijava poreza na dohodak za obrtnike, ako se radi o novoosnovanom korisniku ovaj dokument nije potreban.
7. Potpisana i ovjerena izjava odgovornog lica da nije u posljednjih 5 godina osuđivano u sudskom postupku za kršenje zakona u smislu poslovnog ponašanja,
8. Potpisana i ovjerena izjava koliko je procentualno izvezeno na inostrano tržište proizvoda ili usluga u 2009. godini (ako izvoza nije bilo izjava nije potrebna),
9. Potpisana i ovjerena izjava o namjeri namjenskog korištenja sredstava,

IV KRITERIJI ZA OCJENU PRIJAVE

Vrednovanje podnesenih prijava vršit će Komisija Ministarstva za obnovu, razvoj i povratak Tuzlanskog kantona na slijedeći način:

- | | |
|--|--|
| 1. Kupovina opreme, uključujući troškove prevoza i montaže | 40 bodova |
| 2. Kupovina, dogradnja i izgradnja poslovnog prostora | 30 bodova |
| 3. ulaganje u obrtna sredstva | 20 bodova |
| 4. proizvodi / usluge koje se izvoze ili zamjenjuju uvoz | 40 bodova |
| 5. broj uposlenih radnika | (jedan zaposlen = 0,5 bodova, maksimalno 20) |

Bodovanje u tačkama od 1 do 4 ovog člana izračunava će se proporcionalno.

V ROK ZA PODNOŠENJE PRIJAVE

Rok za podnošenje prijave je od dana objavljivanja Javnog oglasa u dnevnim novinama, do 30.10.2010. godine ili do utroška planiranih sredstava.

VI OSTALE ODREDBE

Međusobne obaveze vezano za visinu odobrenih kreditnih sredstava, garanciju, rokove i dinamiku vraćanja, regulisat će se ugovorom između Banke i korisnika kredita.

Zahtjev sa traženom dokumentacijom dostaviti na adresu: **Ministarstvo za obnovu razvoj i povratak 75000 Tuzla, Slatina br 2. prijava na javni oglas za saglasnost (NE OTVARATI).**

Dotadne informacije se mogu dobiti na telefon broj 035/288-953 i 035/288-950, i fax 035/288-951.

E-mail: nurdinm@tk.kim.ba

Internet adresa: www.vladatk.kim.ba